

## **JAVNO PREDUZEĆE „KOMUNALNO“ D.O.O. BREZA**

### **ZAVNOBIH-A BR.6 71370 BREZA**

Na osnovu člana 64. stav (1) tačka (a), člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14) i člana 46. stav (1) tačka (k) Statuta JP „Komunalno“ d.o.o. Breza, broj: 1157-07-05-33-2./18 od 07.05.2018. godine, na Preporuku Komisije za javnu nabavku roba: (broj 05-3003-5/22 od 18.11.2022. godine) „Nabavka Abroll kontejnera“ v.d. direktor preduzeća d o n o s i

## **O D L U K U**

### **o dodjeli ugovora najpovoljnijem ponuđaču za javnu nabavku roba - „Nabavka Abroll kontejnera“**

#### **Član 1.**

Prihvata se Preporuka Komisije za javne nabavke (broj 05-3003-5/22 od 18.11.2022. godine) i Ugovor za javnu nabavku roba: „Nabavka Abroll kontejnera“ dodjeljuje se izabranom ponuđaču „SV COMPANY“ d.o.o. Trn-Laktaši, ID 4403064550006, sa sjedištem u Trn-Laktaši, Obilićeva bb, za ponuđenu cijenu u iznosu od 48.900,00 KM bez PDV-a, odnosno 57.213,00 KM s PDV-om, a u skladu s ponudom Ponuđača (broj 03-77-01/22 od 15.11.2022. godine).

#### **Član 2.**

- (1) Prijedlog Ugovora o nabavci dostavit će se na potpis izabranom ponuđaču u roku od 10 (deset) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan u roku od pet dana od dana prijema obavještenja o rezultatima postupka dostaviti ovjerene kopije dokumenata iz člana 45. stav (1) Zakona o javnim nabavkama („Službeni glasnik BiH“, broj 39/14), u skladu sa tačkom 3.3. tenderske dokumentacije.
- (3) U slučaju da izabrani ponuđač propusti dostaviti dokaze o kvalifikiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

#### **Član 3.**

Za izvršenje ove Odluke zadužuje se i ovlašćuje PJ „Održavanje i nabavka“ i PJ „Direkcija“, svako u okviru svoje nadležnosti.

#### **Član 4.**

Ova odluka objavit će se na web-stranici: <http://jpkbreza.com/> istovremeno s upućivanjem ponuđačima koji su učestvovali u postupku javne nabavke, u skladu s članom 70. Stav 6. Zakona o javnim nabavkama.

#### **Član 5.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-3003/22 od 28.10.2022 godine. Javna nabavka je provedena putem postupka Konkurentskog zahtjeva za dostavu ponuda.

Procijenjena vrijednost javne nabavke: „Nabavka Abroll kontejnera“ bez PDV-a iznosi 49.000,00 KM. Obavještenje o nabavci broj: 2818-7-1-168-3-16/22 objavljeno je na Portalu javnih nabavki dana 28.10.2022. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 9 (devet) ponuđača.

Izvještaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Odlukom 05-3003-1-1/22 od 28.10.2022.godine).

Komisija za javnu nabavku dostavila je dana 18.11.2022. godine, Zapisnik o pregledu i ocjeni ponuda, broj: 05-3003-4-1/22 od 17.11.2022 i Preporuku o izboru najpovoljnijeg ponuđača, broj: 05-3003-5/22 od 18.11.2022 godine u postupku javne nabavke: „Nabavka Abroll kontejnera“.

Na javnom otvaranju ponuda nije bilo predstavnika ponuđača.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna),
- da je blagovremeno zaprimljeno 1 (jedna) ponuda,
- da nije bilo neblagovremeno zaprimljenih ponuda,
- da su ponuda ponuđača „SV COMPANY“ d.o.o. Trn- Laktaši, prihvatljiva ponuda.

Naziv ponuđača	Ukupno bez PDV-a	Ponuđeni popust	Ukupno bez PDV-a sa popustom
„SV COMPANY“ D.O.O. TRN, LAKTAŠI	48.900,00	-	48.900,00

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije. S obzirom da je dostavljena samo jedna prihvatljiva ponuda, e-aukcija se ne može zakazati, nego se postupak okončava u skladu sa članom 69. Zakona o javnim nabavkama, u skladu sa članom 3.stav (3) Pravilnika o uslovima i načinu korištenja e-aukcije („Službeni glasnik BiH“, broj: 66/16).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, u skladu sa kriterijima iz Tenderske dokumentacije.

U postupku ocjene provedenog postupka, v.d. direktor, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „Najniža cijena“.

Iz navedenih razloga, primjenom člana 64. stava (1) tačka (a) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU** Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Žalba se podnosi u pisanoj formi Uredu za razmatranje žalbi, a putem Ugovornog/ prvostepenog organa.


Broj: 05-3003-6/22

Breza, 28.11.2022. godine.

**DOSTAVLJENO:**

- 1 x Ponuđač koji je učestvovao u postupku JN
- 1 x v.d. direktor JP "Komunalno" d.o.o. Breza
- 1 x PJ "Održavanje i nabavka"
- 1 x Direkcija
- 1 x Web stranica preduzeća
- 1 x a/a



  
v.d. Direktor:  
\_\_\_\_\_  
ma. Ermin Likić dipl.ing.maš.

